

المشكال

مسألة ١٣٣٠

والله يهدي من يشاء الى صراط مستقيم دینی ، علمی ، ادبی ، سیاسی هفته لقی مجموعه اسلامیہ در اتبعون اهدکم سبیل الرشاد

صاحب و مدیر مسئول : ع . اشرف اویب

جناب حق هان بو وظیفه تنویر و ارشادی اجرایه حقیه مستعد ایچمزدن فداکارلر ، ساعیلر چیقارسین ! »

معافیه : خرسیتیانیتک بو تهالکریخی یوقارییه نقل ایدیلن دعا ویا بددعالره ، نظریات و خیاله منحصر قالمش ظن ایتیمهلم : چونکه اون سکنه سنه اول امریقا پروتستان جمعیتلریده داخل اولمق اوزره تشکیل ایدیلن اتحاد واشتراک مساعی نتیجهسی اوله رق تکرار شمالی عربستانه سوریه طریقله کیرمک ایچین (فوردر) اسمنده بری کوندولمشدهده ، شام طریقله استحصال مطالبه چالیشیرکن بر قضایه اوغرامشدر .

شباط ۳۲۷ کوزتبه

علی رضا سینی

توفیرانی

آفریقاده مجاهدین اسلامیه نك احوالنه و مسلمانلنك

استقبالنه دائر

سیاح شریع عبدالرشید افندی مضمونلری طرفندره

— ۱ —

۲۷ شباط ۳۲۷ . فرج صحنه سنده

— سلام علیکم — وعلیکم السلام .

افندیلر ، بوکیجه سزه عرض ایده جکم مسئله ، جمله نك فکریخی اشغال ایتیمکه اولان مهم بر مسئلهدر . اودرجه مهم که بوندن یالکیز بوراده ، ترکیاده کی مسلمانلر دکل ، بتون کره ارضده موجود مسلمانلر علاقه داردر . بناءً علیه بوبابده ممکن اولدینی قدر ایضاحات ویرمک ایسته یورم . مسئلهی یقینده تتبع ایتدیکم ، حربه فعلاً اشتراک ایلدیکم جهتله سوبلیه جکارمک تمامیه صحت و موثوقیتنه امین اولمکیزی رجا ایدرم . مسئلهی کوزلجه ایضاح ایده بیلمک ایچون ابتداسندن باشلایه رق نهایتنه قدر تفصیلات لازمه سیله عرض ایتیمه مناسبت کوربیورم . وقتمز مساعد اولمزه مابعدینی وقت آخره بر اقیرز .

جمله کزجه معلومدرکه طرابلس غرب مسئلهسی اوپله ناکهانی بر صورتده ظهور ایتشددرکه اوکونه قدر — اکا برسیاسیه مزدن باشقه — هان هیچ کیمسه نك خبری یوقدی . هرکس بایرام شنلکینی بایمقده ایکن بر آفت سماویه کی مملکتک اوزرینه بر حرب بولوطی درکه چوکدی . بایرام یرینه اورته لئی ماتم قاپلادی . شنلکلر سوندی ، یرینه ظلمت قائم اولدی . . ظن ایدرم که اوکونلر هرکسک خاطرنددر . . اورته لئی بر شاشقینلق قاپلامشدی . ناظرمن ، صدر اعظممز هپسی حیرته دوشدیلر . نهروماده سفیرمن وار ، نه طرابلسده والی من ، نهده حربه قارشى تدایرمن . ناکهانی چیه کلن وحشی بر حیوان قارشوسنده قالان خلق کی هرکسه بر شاشقینلق عارض اولدی . هرکس کی بنده شاشیرمشدم ، بنده تلاشه دوشمشدم .

بش ، آلتی سنه مقدم پترسبورغده خلق تیاتروده بولوندینی زمان حیوانات وحشیه دن بری فصلسه دمیر قفسدن قورتوله رق هرکسه صالدرمغه باشلامش ، بتون تیاترو خلقی درامه طاغین ایتمشدی . ایتالیاده طبقی بویه وحشی بر جانوار کی مظلوم بر طاقم انسانلر اوزرینه صالدرمغه باشلانجه طبیعی درکه هرکس شاشقینلاشدی . بن دلی کی اولمشدم . کندی حسابمه رومایه قدر کیتیمه یی بیله کوزه آلدیرمشدم . بر قاق کون کچدی . هرکس کی بنده عقلی باشمه طوبلادم . رومایه کیده جک یرده طرابلس غربه کیتیمه یی موافق بولدم . طبیعی اوزمانلر هیکزک خاطرنددر . معافیه بعض وقایع وارددرکه بوکون ایچون ذکره شایاندر . ازجمله اوکونک وزراسی ، وکلاسی بر آز عتلی باشنه طوبلار طوبلاماز کیجه یی کوندوزه قاتهرق چالیشمه یه باشلادیلر . صدراعظم سمید پاشا صدارته کچور . بر طرفدن اعظم رجال ایله استشارلر اولیور ، دیگر طرفدن صباحلره قدر مجلس وکللر اجتماع ایدیور . هرکس بر درلو بیان فکر ایدیور . اوصرهده ایدی که اک عقلیلردن ، ملثک اک بیوک ، اک مشهورلردن بریسی «بومشدهده مدافعه ایتک جنایتدر» دیمشیدی . ظن ایدرم عمومکزک قولاغندهدر . بوسوز ، بنم قلبمه ایتالیانلرک خنجرندن دهها زیاده صابلا نمشیدی . اونک ایچون هیچ اونوته مام . افندیلر ، اووقت ، مدافعه جنایتدر . دینلرک فکریته قاپیلهرق مدافعه ایدیلله ییدی ، بوکون بوشمانلی ظفره نائل اوله بیلمیدک ؟ ایشته مدافعه ایتدک و بو عزم قهرمانانه ایله ایله قوجه بر اسلام قطعه سنی قورتاردق . بوکون ، افندیلر ، امین اولیکز ، طرابلس غرب قورتولمشدر ، بو مبارک جزء وطن قطعاً اومسکین ایتالیانلره تسلیم اولونمایه جقدر . [آلقیشلر]

افندیلر ، طرابلس غرب مسئلهسی ایکی اوج عثمانی ، یاخود اوتوز ملیون عثمانی مسئلهسی دکدر . بو مسئله علم اسلامک حیات ، ممات مسئلهسیدر . هر نه قدر اوروپالیلر وقتیه اوکوزل مملکتلری پایلاشمش ايسهلرده مسئله نك عاقبتی هیچ اومولمایان بر شکل آلدی .

بر قاق کونده اورت باص ایدیله جکی ظن اولنورکن بتون دنیایی صارصدی . بومشده ، اوروپالیلرک شرق ، بالخاصه مسلمانلق حقنده بسله دکلری افکار دسیسه کاریلری بوسبتون تبدیل ایتدی اعتقادنده ییم . افندیلر ، شوکا امین اولکیز که ، بوکون ، اوروپالیلرک ویا آنلره پرو اولان بعض کبرامزک نظرند اک وحشی ، اک شایان استخفاف عد اولونان بر مسئله نك ، اتحاد اسلام مسئله سنک اساسی بوسيله ایله بوکون قورولمشدر . اوروپالیلر نه دوشونورلرسه دوشونسونلر ، طرابلس غرب مسئله سن بو بیوک مسئله نك اساسی قوردی ، هم آلتوندن تأسیس ایتدی . [آلقیشلر]

ایشته حقیقت میدانده . بز حرکت ایدر ایتمز اول باول مصر اشتراک ایتدی . صوکره باقدق هر طرفده اتحاد صدالری یوکسکدی . تاهندستانه ، مجوسیلره قدر تاثیر ایتدی . افغانسانده بالخاصه امیر وز اسنی طوبلادی ، ملتی فعلاً اشتراکه دعوت ایتدی ، کندی

اولاد لرین حربه کوندرمه یه تشبث ایلدی ؛ ملتنه دیدی که : « بومسئله بتون عالم اسلامک حیات ممات مسئله سی در . » یکر می بش بیک روبیه اعانه ویردی . و هر احتماله قارشی حاضرلاندی .

طرابلسده درت بش آی طولاشوب عودت ایتدکن صوکر ا اومده بر مکتوب بولدم ، جاوادن کوندرلمش . اوراده مجاهدین اسلامیه ایچون یاره طولامش ، زمه کوندرمک لازم کلدیکنی صوریورلر . ایکنجی مکتوب نه هندستانده لاهور شهرندن کوندرلمش . غایت اوزون بر مکتوب . بوندن ماعدا اقصابی شرقدن ژاپونلر ، اوراده تأسیس اولونان اسلام جمعیتی اعضا لری کوکلو کوندرمک ایچون بزمله استشارده بولوندیلر . صوکر مسئله اوزامیه جقدر ، زحمته قاتلامه یه دکمز ، دیدک کلمه لرین توصیه ایتدک .

ایشته هپ بونلر اتحادک اساسی قورولدیغنی کوستر . هر نه قدر بونلر ، صدد خارجنده ایسه ده ، صرهمی کلدیکی جهتله سویلدم ، قصورمک عفونی رجا ایدرم .

هر نه ایسه اوشاشقیقلر زائل اولور اوناز هرکس دارالحربه کتمه یه باشلادی . بنده طورهمدم . بر اتشدر قلبی قابلادی . کتمه دن راحت اوله مدم . واقعا بن المدن بر شی کلز ، فقط هیچ اولمازسه جهاد اعلان ایدنلر صو ورمه یه یارارم آ .

اوج کون صوکر علی العجله حرکت ایتدم . عثمانیه واپوری مرمریه آجیلر آچیلماز بر چوق یولداشلر بولدق . لسانلرمن سویله مزسه ده قلباً طانیشدق . آکلادقکه یک چوقلر مزاورایه کیدیور . تبدیل قیافت ایش ضابطلر ، هویتی کتم ایش سیویلر . . . واپور طولو . لسانلرمن صامت ، فقط اکوزلرمن قونوشیور . ازمیره وارنجه یه قدر بوحال دوام ایتدی . نهایت اوراده طیانهمدق ، بربرمه آچیلدق .

ازمیره کلر کلز هر طرفدن بشارتلی حوادثلر آلدق : ایتالیانلر سویله مغلوب اولدی ، بویه منهزم اولدی . . . بونلر شوقزی آرتیردی . اورادن پیرمه کلدک اوراده ایشتدککه اسکندریه ده طرابلس غرب موفقیتندن طولانی بیوک برسوینج ، بیوک بر حرکت ، نمایش اولمش . واپور اهالیسی سویلدیلر . فقط حقیله کنهی ادراک ایده مدک . ندر ، دیرکن اسکندریه یه یاقلاشمغه باشلادق .

اوصرمه واپورده کامل پاشا حضرتلریله کوروشیوردم . ذاتاً بوراده بر قاج دفعه ملاقاتمز واردی . بومسئله یه دائر فکر عالیلرین استفسار ایتدم . چونکه بویه مهم مسئله لده غایت بیوک بر دیپلوماتک فکرین آکلامق هر حالده موجب استفادهدر . دیگر مسئله لر حقنده کی سؤالرله لصفاً جواب ویردیلر .

نهایت سوز طرابلسه انتقال ایدنجه دیدم که : — بو خصوصه فکرکز ندر ؟ بونک اوزرینه دیدی که : — بو ، حل اولمش کبی بر شی در . فقط بن ، کندی حسابمه ، بنغازینک قورتارلسنه چالیشه جقم . دیمک کندی حسابنه طرابلسی کوزدن چیقارمشدی . طبیعی درکه

بوسیاست بنم خوشه کتمدی . فقط بیوک آدمه بر شی دیمکده ممکن اوله مازدی . شوقدرکه جانم یک صیقلمشدی . زیرا بو یک اسکی سیاستلرمزدن در : بر مسئله چیقنجه هپ نصفی فدا ایله حل ایتکه چالشمش . نه وقت اوروبا بر مسئله چیقارمش سه تهدید ایش ، بلوف یامش ، حاصلی نه یایدیه یامش ، یاریسنی آلمش ، صوکر ایشی صالحه باغلامش . بونک ایچون بوسیاستدن خوشلانمدم . مع هذا کامل پاشا غایت حقلی ایدی . زیرا بوتون جهانجه معروف اولان بورجل سیاست اطرافی تفتیش و تدقیق ایتدکن صوکر بوفکره ذاهب اولمشیدی . اطرافه باقدی ، بزم کوشکلکیزی کوردی ، صوکراده حاضرلغمز هیچ یوق . . . طبیعی بر دیپلومات ایچون باشقه نه سویله نه بیلیردی . فقط بن باشقه درلو دوشونیورم . مسلمانلر حقنده هر زمان جناب اللهه اعتماد ایدیورم . اودر مسبب الاسباب . اودر هرشیی خلق ایدن . واقعا طرابلسده قوت نامنه بزم بر شیشمز یوق ، واقعا نلرک طولیری ، توفکاری ، دونمالری . طیاره لری ، حاصلی هرشیلری مبذول ؛ فقط بر قوت ، بشرک فوقنده بر قوت واردرکه اوکا قارشی کائناتک اهمیتی یوقدر . بز بویوقلقلر ایچنده اوکا دایانیرز . امیزکه اوقوت مظلومی حمایه ایدر ، ظالمی سرنکون ایدر . بز (وافوض امری الی الله) دیرز . بز (وماتوفیق الی الله) دیرز . انک ایچون دائماً او حضرت ذوالجلال اک مشکل زمانلرمزده امدلدمزه یتیشمش وان شالله دائماًده یتیشه جکدر . قلبمز تمامیه بوکا مطمئن اولمی . زیرا عن الیقین بوخارقه لری کوردک . بوکون طرابلسده عسکر نامنه ، مهمات حربیه نامنه نه یمز وار . . .

شونی استطراداً عرض ایده مکه طرابلس دیورسهم مقصدم بنغازی در . چونکه بن انحق بنغازی منطقه سنی بیلیورم . اورایه کیتدم . طرابلس غرب جهتی بیلیورم . چونکه اورایه کیتدم . اونک ایچون سوبلیه حکم سوزلر هپ بنغازی طرفنه عائددر . طرابلس دیرسهم سوزمی بنغازی طرفنه عطف ایدیکز . . .

بن بوشرق جهتی ، که انورپاشانک تخت قومانداسنده بولونیور ، بیلیورم ، بو طرفده کی عساکر نظامیه مز نهایت بشیوزی تجاوز ایتز . اونکده بر چوغی سقط مقط ، خسته ، هپ اسکیدن قالله . قالان قسمی هپ مجاهدین کرام ، کوکلو ، ضابطانمز وار ، اونلرده کوکلو .

شمدی ذهنکزه بر سؤال تبادرایدر : نهدن اوراده کی عسکرمن آز اولمش ؟ بوسؤالک جوابندن صرف نظر ایدم . یالکز شونی بیله مکه عسکرک اوراده بولونمامسی عین اصابت اولمشدر . بو ، اک بیوک بر موفقیت در . صرهمی کانجه اسبابی عرض ایده جکم ، نتیجه دهده واضحاً بو حقیقت اکلایشله جق .

بن کندی اعتقادجه طرابلس مسئله سی حقنده شمدیدن تبشیر ایده بولونه جقم . زیرا ایچنده بولوندم ، آخرین تمامیه حساب ایتدم . بو کونکی حال و کیفیت بونی کوستریورکه : انور پاشانک وسائر ارباب حیتک چالیشملری سایه سنده ان شاه مسئله تمامیه بتون عالم اسلامک ارزوسنه موافق صورتده حل اولنه جقدر . حتی بوتون اوروبا

بزي صيقيشديرسه ، باب عالي بي تضيق ايدمك اولسه اونلر بزه ديه جكركه : سز كندی حسابكزي كورك ، بز كندی كندی مداخله و اداره ايدرز .

چونكه اسلحه ايسته ميورلر . ارزاق ايسته ميورلر . ذاتاً بزم اهل اسلام ايچون سلاحك لزومي يوق ، بن بواعقادهيم . دشمنلر فابريقه لر يايورلر ، سلاحلر حاضر لايورلر ، اوكرزه كلنجه اورور آليرز . نته كم ايسته آليورلر . بوكون طرابلسده النان اسلحه ومهمات بزم ايچون كافي ووافي در . بوكون النان فشنگلر برسنه محاربه يه كفایت ايدر . بزم قوت قوت ايمان در . ان شاء الله بونلري تفصيلاتيله بربرر ايضاح ايدمك . [مابعدی اوج بو قدر دها وار]

شيوه

طرابلس غرب :

شيخ سنوسي حضرتك معروضاني . -- (نويه فراه بره سته)

غزته سنك موثوقاً استخباراته نظراً شيخ سنوسي حضرتلري شباطك يكرى طقوزنده باب عالي يه معلومات معروضات آتیه ده بولمشدرد : « دول معظمه نك دول عثمانیه يي صلحه اجبار ايچون يكيدين تشبثاده بولندقلرينه دائر بعض خبرلر آلدن طرابلس و برقه قطع لرنده كي مجاهدینك عددی و لوازم حربيه سي ايتاليانلرك ابدی بر صورتده داخله ايلرلرينه مانع اولمغه كافي بولنديغي نزد عاجزیده محقق اولديغندن و عموم آفريقاي جنوبي اسلامك شرف و ناموسنی مدافعه ايچون قانلرينك صوك دامله سنی اسالیه عهد و پیمان ايلش اولدقلرندن هيچ بر وجهه صلح تشبثاته اهميت و يرله مسی معروضدر . »

شيخ سنوسي حضرتك معروضاني . -- سيد شيخ سنوسي حضرتلرينه برنجی رتبه دن بر قطع نشان عالي عثمانی و بر مرصع قلنج و ظريف قيمتدار بر سجاده ايله بر مرصع ساعتك نام هايونه اوله رق انور بك واسطه سيله اعطاسی حقنده اراده سنیه حضرت پادشاهی شرفصادر اولمشدرد .

يمن :

ضوياني قيدر سنك مغربيت و عرصه مطارعتی . -- يمن قواي عموميه قوماندانی عزت پاشا طرفندن حربيه نظارتنه كشيده ايدیلن بر تلغرافنامه ده امام يحيي حضرتلرينك منسوبيندن سيف الاسلام محمد هاديك ، ضحياني قبيله سي اوزرنده بيوك بر غالبيت احراز ايلديكي بيلايرلمكده در . ضحياني قبيله سي (بامليلر) موقعنه چكيله رك عرض مطاوعته مجبور قالمشدر .

بوضحياني قبيله سنك رئيسی ابوقاسم الضحياني امام يحيي نك مخالفی در . اوتنه دنبری زيديلكك عمومی امامتی اله ايتك ايچون چاليشمش . حتی بر چوق دفعه لرامام يحيي ايله مصادمه ايتمشدر .

ادريسي نك هزيمتی . -- ايتاليانلردن استعانه صورتيله مقام خلافت اسلاميه و سلطنت عثمانیه عليه نه حركته جرأت ايتكله بتون عالم اسلامك نفرينه بحق مظهر اولمش اولان ادريسي بو دفعه بر مقهوريت شديدیه اوغرادلمشدر . معلوم اولديغي اوزره بو خائن دولتمك ايتاليا ايله حربده بولمشدن ،

بحر احمره يكيدين سوقيات عسكريه اجراسنده ، دونما اعزامنده معذور اولمشدن بالاستفاده دشمن دنيدن آلدیغي اسلحه و جيخانه قوتيله عسير قطع ه سنده بولنان قوه عسكريه مری تضيق امل خائنه سنده بولمش فقط قهرمان عسكرلر نك و اونلره التحاق ايدن حيتمند اهايلنك مدافعه دليرانه لريله فائل امل اوله مامش ، مرقومك ايتاليانلره متحداً حركت كي بر ذنات شنيعه يي ارتكاب ايلسندن بك زياده منفعل اولان يمن زیدی امامی يحيي بن حيدالدين حضرتلري ده بو خائني قهر و تدميره عساكر عثمانیه يه معاونت ايتك اوزره بر قوه كافيه اعزام ايتمش ايدی .

ايسته بو قوت اخيراً عسیره مواصلت و قوه عسكريه عثمانیه ايله برلشمش اولمغه ترتيبات مقتضيه بالاجرا (حضاويه) موقعنده تأسيس قرارگاه اولنديغي صره ده ادریس كيفيتدن خبردار اوله رق كويا قوه عظيمه يي اولديغي نقطه ده باصديره رق فنا حالده بوزمنق فكر سقيم و فاسديله طقوز بيك شقيدن مركب اولان چته سي افرادي برون بره اوزرلرينه كوندرمش و ناكهانی بر هجوم اجرا ايتدیرمشدر . يدي ساعت دوام ايدن محاربه خوزريزانه دن صوكره كرك عساكر عثمانیه نك و كرك امام يحيي حضرتلري طرفندن كوندريلن قوه معاونه نك حملات شيرانه و دليرانه سته تاب آور مقاومت اوله میان ادریس خونه فسدسي منزماً و مقهوراً طاغلمشدر . رومی شياطك اون بشنچی كونی وقوع بولان بومصادمه ادریس عونه سنك بر دها يرلرندن قيردامه يه حق صورتمده اضمحلالی موجب اولمشدرد .

مصر ليلر - ايتاليانلر :

مصرده نظاھرات و ظمير و راه . -- قاهره ده منتشر يومی (المؤيد) غزته سنده او قوندیغنه كوره قاهره ده بر ايتاليان سوسيه ته سی طرفندن (اهراملر) قربنده كان بر هوتلده ، ايتاليانجه بر قونسر و مسامره ترتیبی متصور ايتمش . ايتاليانلرك طرابلس غرب مسلمانلري حقنده روا كوردككري معاملات وحشيانه لرندن متنفذ اولان عثمانی مصر ليلر مذکور مسامره نك ايتاليان لسانيله ترتیب اولمنی عليهنده پروتستو ايتمشدر . مذکور غزته نك مطالعات موشكافانه سته باقيليرسه بو حركت ناجحانك ايتاليانلر طرفندن اختيار اولمنی كيفیتی ، مصر مسلمانلرينك حسيات ديندارانه و انسانيتكارانه لرینی تحريك و تحديش مقصدينه منی در .

§ عين زمانده (اسكندريه) ده بولنان ايتاليا تجاری ، بنغازی و جوارنده بولنان ايتاليان همپالرينه صورت خفيه ده بيه جك و ايچه جك تدارك و ارسال ايتدككري حالده حكومت مصريه طرفندن ممانعت اولنماق صورتيله قواعد بيطرفی نك اخلاص ايدلمكده اولديغنی (المؤيد) غزته سی يازيبور .

§ يته مذکور غزته نك بياناته كوره عثمانی - ايتاليا محاربه سنك ابتداء سندن بو آنه قدر طرابلس غرب مجاهدلري نامنه مصر حيمه مندانی طرفندن درج اولنان اعاناتك مقدار يكونی اون بيك بشيور اوتوز بش مصر ليراسنه بالغ اولمشدرد .

§ بنغازی و جوارنده ايتاليانلره محاربه ايتكمده اولان عموم قواي عثمانیه قوماندان غيوري انور بك افندی طرفندن قاهره ده تشكّل ايدن (هلال احمر) هيئتلري رئيسی (المؤيد) غزته سی صاحب عاليسی (شيخ علي يوسف) افندی حضرتلرينه بر مکتوب يازيلوب ، هممات متوالیه خدا پسندانه سته قارشو صميمی بر صورتده تشكر اولمشدرد .